

NOUVELLE SÉRIE

No. 25

} MANDATUM

PRO DIOECESANÆ SYNODI SECUNDÆ CONSTITUTIONUM
PROMULGATIONE

JOANNES LANGEVIN,

*Miseratione divina et Sanctæ Sedis Apostolicæ gratia
primus Episcopus Sancti Germani de Rimouski,
Dilectissimis Cooperatoribus nostris, et om-
nibus de clero filiis,*

SALUTEM ET BENEDICTIONEM IN CHRISTO JESU

Nuper habitæ secundæ nostræ Synodi jam impressæ sunt Constitutiones, quas nunc studio et meditationi vestræ, dilectissimi Fratres, gaudentes offerimus. Undecim sunt; prima vero viginti quatuor capita complectitur.

Ista Statuta, tum ad propriam vestram vitam sacerdotalem confirmandam, tum ad sacra munia rite obeunda, tum ad quosdam in parœciis abusus excessusve reprimendos, tum denique ad promovendam plebis nobis commissæ sanctificationem diriguntur. Ante et per Synodum sedulo examinata et discussa sunt, emendata et completa. Iterum ergo atque iterum ea percurrite, in memoriam altò figite, in praxim reducite.